

www.BibleForChildren.org

मत्ती 26




ईसु तीह्वारेन छव
दाहडा पेहेल यरुसलेम
सहर धडे, बेतन्या गांव
मां गुयु, चां लाजर रहतेलु,
तीनाक ईसु मर्या-सर्याम सी
जीवतु करलु। तत्यार मरीयम
आदु लीटर बेसको महंगलो ईत्तर
लावीन ईसुन पाये पर रेचवी ने
आपसे कान्या सी तेरा पाये नुछी,
ने ईत्तरेन गंदे आखो घर गंदणु ईस्ट्यो
च ईत्तर एक खास झाडकान मुळेम
सी नीकाळीन बणावलो पीवर ईत्तर हतलो।



तत्पार यहुदा ईस्करीयोती ईसुन बारे चेला मायन एक हतलु, जु चेलु
मंदीरेन डाहला पुजारान चां जायून कह्यु, काहाकी ईसु काजे तींद्रे
हाते धराडी दम। चे तेरी वात सामळीन
बेसका खुस ह्य गुया, ने चे तेरे बदले
पयस्या आपणेन वायदु कर लेदा।
ने चे ईसु काजे धराडनेन
मुखु हेरने बाजी रवलु।



ने ईसुन चेला जसु ईसु कह्यु तसात कर्या
ने फसहन तीहवारेन खाणेन तीयारी कर
लेदा। जत्यार चे खाय रवला ती ईसु रुटु लेदु,
ने बरकत मांगीन तुड्यु, ने चेला काजे आपीन
कह्यु, "लेवु जु रुटु खावु; ज्य मारो डील छे।"
अळतेन ईसु कटवरु लीन तु बेसकु वारु छे करीन
कह्यु, ने तीनुक आपीन कह्यु,
"तुहुं आखा तेरे मां सी पीयु, काहाकी ज्य
पीयाळु वायदान चो मारो लुही छे,
ज्य बेसका माणसे
वाटे पापेन माफी
वाटे उहणे वाळो छे।"



ईसु पतरस काजे कह्यु, "ए सीमोन! ए सीमोन! सामळ भुतडु तुहं
आखा काजे गहुंन तसु चुळने करीन भगवान धडे मांग लेदु।
बाकुन मे तारे वाटे भगवान सी लीलघाय कह्यु की। काहाकी तारु
भुरसु भगवान पर सी छेटे नी हवणु चाहजे। ने जत्यार तु पछु भुरसु
करसी ती आपसा भायसेक बी भुरसा मां लावीन काठा करजी।"
सीमोन पतरस ईसु काजे कह्यु, "मालीक मे तारे पुठ्ये जेल मां जाणे, ने
मरने लग तीयार छे।"

बाकुन ईसु पतरस काजे
कह्यु, "ए पतरस मे
तुसेक कहवोकी तु आज,
कुकडु वासणेन पेहले,
तु तीन कावा ईसुक
नी जाणो करीन
कवसी।"



तत्पार ईसु आपणा चेला साते
गतसमनी नावेन एक जागा मां
आयु ने आपणा चेला सी कहवणे
लाग्यु, "जान बठ रवजु,
जत्पार लग मे वां जायून दुवा
करो जां लग तुहुंं जान रवजु।"
ने दुवा कर्यु की, "तु मारु बास छे,
तु आखो काय कर सकसी; तेरेमां
ईना दुखेन पीयाला काजे मार धडे
सी छेटु कर ले; तेबी मे चाहो तसों
नी बाकुन तु चाहे तसों हवणी दे।"



अळतेन यहुदा, रोमी सीपायडान टुळा काजे लीन, ने मंदीरेन डाहला
पुजारा ने फरीसी माणसेन साहरे मकेल्ला मंदीरेन राखवाळ्या
सीपायडा काजे लीन तीनी वाडी मां आय गुयु। चे कंदल्या,
बेर्या ने हत्यार लीन आवला। ने तीनु चेला मायन
एक चेलु, भगवानेन डाहला पुजारान मुख्यान
पावर्या पर तलवारेन झाटकु देदु,
ने तेरो जेवड्यु कान्टु काट देदु।
बाकुन ईसु कह्यु, "हय रहणी देवु,
बेसको हय गुयो, ने ईसु तेरु कांटु!"
छीमीन तीनाक वारु कर देदु।



अळी चे ईसु काजे धरीन बांद लेदा ने तीनाक चां सी भगवानेन डाहला
पुजारान मुख्यान घर ली जाणे करीन चाल पड्या। पतरस ईतरुक
छेटुस तेरे पछळ-पछळ जातलु। डाहला पुजारान
घर जायून ने माणसेन आंगणा
मां आकठो धपाडीन आकठान
चारेमेर बस गुया। पतरस बी
तींद्रे पुठ्ये बस गुयु।




मंदीरेन मुखी पुजारान एक
पावर्यु, चु तीना पावर्यान
दुस्ती बी हतली, तेरु कान्टु
पतरस काट नाखलु, "चु
पतरस काजे कह्यु मे तुसेक
तीना ईसु पुठ्ये वाडी मां देखलु?"
पतरस ईसुन अळी नीकारु करतु
जाय्न कह्यु, "मे नी ह्य" ने
तत्यारुत कुकडु वास देदु।
ने तत्यारुत पतरस बाहर नीकळीन
उसकी-उसकीन बेसकु रडने बाजी गुयु।




तत्पार आखी बसकेन माणसे उठीन उबा हय
गुया; ने चे ईसु काजे राजा पीलातुस भीणी ली
गुया। पीलातुस ईसुक पुछ्यु, "तु यहुदी माणसेन
राजा छे काय?" ईसु जपाप आप्यु, "हव, जसु तु
कय र्यु मे तसुत छे।"

पीलातुस राजा ईसु काजे
छुडने हींडतेलु, अतरा मां एक
कावा अळी तीनी गड़दी मायन
माणसे काजे समजाइयु। बाकुन
गड़दी मायन माणसे पछा आयडीन


कह्या, "ईनाक कुरुस पर चड़ावु!
ईनाक कुरुस पर चड़ावु!"




पीलातुस ईसु काजे तींद्रे हातेम आप देदु,
हेरेन करीन की, चे तीनाक कुरुस पर मार
देया। ने ईसु सीपायडान कहूणेन अनसारे कुरुस
हाकलीन चालतु-चालतु ईब्रानीयो गुलगुता
नावेन जागा पर गुयु। यहुदी माणसेन बुली मां
ईना नावेन मतलब मुणको हतलो।



तीना जागा पर ईसु काजे ने तेरे भेळा दुय
गुना वाळा माणसे काजे कुरुस पर टांगीन
खीळा ठुक्या। ईचमां ईसु काजे
ने एक काजे ईसुन डाखर्ये आंग्ये
ने एक काजे जेवड्ये
आंग्ये कुरुस पर
टांगीन खीळा
ठुक्या।



ने दाहडान वीजाळो बी जाती रवलो, तत्यार भगवानेन मंदीर मां चु
पडदु फाटीन दुय टुकडा ह्य गुयु। तत्यार ईसु जुर सी आयडीन कह्यु,
“ए बास! ह्य मे मारु जीव तारा हातेम आप दमा।”
ज कयून ईसुन जीव नीकळ्यु गुयु।



अरीमतीया गांवेन रहणे वाळु युसुफ नावेन
एक माणुस आयु, जु यहुदी पंचुन मेहमर
हतलु, ने जु भगवानेन राजेन वाट
देखी रवलु; जु युसुफ हिम्मत
करीन पीलातुस धडे गुयु ने
ईसुन धड मांग्यु।

तत्यार युसुफ लेफड्ला
सणेन पुथल्या मुल
लेदु, ने धड काजे

उतारीन तीना
पुथल्या मां बांद लेदु,
ने तीनाक मसाण मे गाड
देदा चां चापर्या मां वारु
घडली मसाण हतली ने चां
मट्लु दगडु लागाडीन बुजी
देदा।



दीसरे दाहडे ज्य तीह्वारेन दाहडान पछेन दाहडु
हतलु, मुख्या पुजारा ने फरीसी
माणसे पीलातुस धडे भेळा
हयन कह्या। "ए माहाराज,
हामुक हेर छे की ह्यु धुकु
देणेवाळु जत्यार जीवतेलु
हतलु, ती कवतेलु की मे
तीन दाहडाम पछु मर्या
-सर्या सी जीवतु ह्य
जायसा।"



तेरेमां चे राखवाळ्या काजे पुठ्ये लीन गुया,
ने दगडा पर छाप लागाडीन
मसाणेन राखवाळी कर्या।




आरामेन दाहडान पछे ने हाप्तान पेहले दाहडे
संदारे एगात वीजाळो हवतेत मरीयम
मगदलनी ने दीसरी मरीयम
मसाण्या मां देखणे आय।
चे देख्या, एक मटु भुकम
आयु काहाकी मालीकेन
एक सरग वाळु
काहवाळ्यु सरगे सी
उतर्यु ने धडे आवीन


सरग वाळु
काहवाळ्यु चापर्या
काजे उन्धु कर देदु, ने
तीना चापर्या पर बठ
गुयु। पेहरु देण्या
बीहीयन सीयारी ली
लेदा, ने मरलान तसा
हय गुया।




सरग वाळु काहवाळ्यु तीनु बायरा काजे कह्यु,
"मां बीहु, मे जाणो की तुहं ईसु
काजे गुयु कुरुस पर चडावला तीना
काजे हेरने बाजी रया। चु जां नी
हय बाकुन आपणा बुल मां
कवलु तसुत मरलाम सी
जीवतु हय गुयु।"



"आवु, चु जागु देख लेवु, जां मालीक काजे
मेल्ला, ने हींताळ छाटा जायून तेरा चेला
काजे कहवु की चु मरलाम सी जीवतु
हय गुयु ने तुंदरे सी पेहल गलील
जीला मां जासे चां तुहुं तीना
काजे देखसु देखु मे तुहुंक
कय देदु।"



चे बायरा बीहीन ने बेसकी खुस ह्यून मसाण मां
सी पछा आवीन ईसुन चेला काजे कवणे वाटे
दवडीन आवी। ततयार ईसु तीनु बायरा
काजे भेळु ह्यु। ने कह्यु, "वारु छे की
करीन कह्यु।" ची बायरी धडे आवीन
ने ईसुन पाय धरीन तीना
काजे आंध्यु।



पछेन चे ग्यारे चेला रुटा खाणे बठी रवला, ती ईसु तीनुक बी देखाव पड्यु, ईसु तींदरु नी भुरसु करनेन ने भुरसु नी करनेन काठो मन ह्य गुयलो जाणीन ने तीनुक लडतु जाय्न कह्यु, "जे मेसेक जीव उठीन बठु हवला देखला, तुहुं तींदरी वात पर भुरसु काहा नी कर्या।" पछेन मालीक ईसु तींदरे साते वात करीन पछेन सरग मां हाकलायन गुयु ने भगवानेन जेवड्ये आंगे बठ गुयु।



काहाकी भगवान ईनी कळीन पापी माणसे काजे
अतरु परम कर्यु, की तेरु एकुत लाटेक्लु पुर्यु
मरने करीन आप देदु, ने जु कुय तेरे पर भुरसु
करे, चु खत्तम नी हवे बाकुन अमर जीवन
हात करसे।



रोमीयो 3:23 हेरेसी की आखान ने आखा पाप कर्या ने भगवानेन
सेक-सींगार सी छेटे हय गुया,

रोमीयो 6:23 काहाकी पापेन दाहड़की ते मरनु छे, बाकुन भगवानेन दानेन
वाटु आपणा मालीक ईसु मसी मां जलमेन जीवन छे।

ईब्रानीयो 9:27 जसों माणसे काजे एकुत कावा मरनु ने अळतेन तेरु
नीयाव हवणु जरुड़ी छे,

ईफीसीयो 2:8,9 काहाकी ईसु पर भुरसु करने सी तेरी गीण-दया सी पापेन
डंड सी आपणुक छुटकारु जड़लु छे। आपणु, जु छुटकारु आपणे जुरे हात नी
कर्या, बाकुन जु छुटकारु भगवान भीणी सी फुकट मांत आपलु दान छे। ने
क्य बी माणुस मटाय नी करनु चाहजे, करीन जु छुटकारु आपणा भला कामे
सी नी जड़्यु।



रोमीयो 10:9,10 की कदी तु तारा मुंहडा सी ईसु काजे मालीक जाणीन हुकारु भरे, ने आपणा मन सी भुरसु करे की भगवान ईसु काजे मरलाम सी जीवाइयु, ती तुसेक छाचलीन छुटकारु जइसे। काहाकी धरम वाटे मन सी भुरसु करनु पड़े, ने छुटकारा वाटे मुंहडा सी हुकारु भरनु पड़े।

युहन्ना 3:16,17 काहाकी भगवान ईनी कळीन पापी माणसे काजे अतरु परम कर्यु, की तेरु एकुत लाटेक्लु पुर्यु मरने करीन आप देदु, ने जु कुय तेरे पर भुरसु करे, चु खत्तम नी हवे बाकुन अमर जीवन हात करसे। भगवान आपसा पुर्या काजे ईनी कळी मां माणसेन नीयाव करीन डंड आप्णेन हुकुम आपजी करीन नी मकल्यु, बाकुन तेरेमां मकल्यु की कळी मायन माणसे हेरे साहरे छुटकारु हात करसे।

1 युहन्ना 5:11-13 ने ची गवाय जी छे, की भगवान हामुक जलमेन जीवाय आपलु छे, ने ज्य जीवाय हेरा पुर्या मां छे। तेरे धड़े पुर्यु छे, तेरे धड़े जीवन छे; ने जेरे धड़े भगवानेन पुर्यु नी हय, हेरे धड़े जीवन बी नी हय। मे तुहुंंक, जे भगवानेन पुर्यान नाव पर भुरसु करो, हेरसी लिख्यु की तुहुंं जाणु की जलमेन जीवन तुंदरु छे।



मत्ती 26-28; लुका 22-24; युहन्ना 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Bhilali Bible (bhi) ©The Word for the World International and
Bhilali Bhasha Samiti, Warvani, (M.P.) 2025.

<https://www.bible.com/bible/4054/GEN.1.BSP25>

©2026 Bible for Children, Inc.

www.M1914.org

www.bibleforchildren.org

